

Terenga 5: Hōtaka 21 – Te kīanga: ‘te kore e/i’

He Mihi

Rarau mai e ngā ngutu kākā ki te rākau taumatua o Ako, kia kurupākara, kia tawetawē te ngahere nei i te ketekete, i te kōwetewete, i te kōkī.

Hei Mahi Whakarongo

Ko te ara pūkaka te ara ka whāia e te kaikōrero o te rangi nei hei whakapuaki i ana whakaaro ki ngā tini kaupapa o te wā. Ka mutu, nā te mea he kaitito waiata, haka, ngeri anō hoki, ka noho ana titonga hei waka kawē i aua whakaaro ki ngā taringa o te marea.

Anei ngā pātai hei whakautu mā koutou i a koutou e whakarongo ana.

- 1) He aha ngā painga o te whakauru whakataukī ki ngā titonga?
- 2) He aha tētehi whakataukī hei kupu whakarite mō te tohe a te Māori ki a ia anō?
- 3) I ahu mai i tēhea iwi te kōrero 'I haere whenua atu, me hoki whenua mai'?

Kia whakarongo tātou ki te whakaniko o te kupu, ki te whītiki o te kī, ki a Tmoti Kāretu.

He Whakamārama


Ehara i te mea kotahi anahe te whakapākehātanga e hāngai ana ki te kīanga e arotahihia ana i te rā nei. Tirohia ngā tauira kei raro iho nei e kitea ai ētehi whakamahinga o te kīanga ‘te kore(nga) e/i’:

- a) He uaua te mātakitaki me **te kore** i pukuriri atu.
It's difficult to watch without getting angry.
- e) Me whakapāha i **te korenga** ōku e tae atu ki te mārena.
I must apologise for not being able to attend the wedding.

I te nuinga o ngā whakamahinga, ka kitea te ‘i’ i mua i te tūmahi, i te tūāhua rānei hei tohu i te wā mua, ā, ka kitea te ‘e’ hei tohu i te wā heke.

He Mahi ĩ-papa

Whakaurua ngā kupu kei runga i te ĩpapa ki tētehi rerenga kōrero.



Hei Mahi

Whakamāoritia ēnei rerenga e whai ake nei:

1. It's difficult to say without getting upset.
2. I apologised for not attending the meeting.
3. He cried because he didn't realise she had passed away.
4. Because you weren't here, we started.

Whakautu:

Mahi ĩpapa: I riri ia i te korenga ōna i whiriwhirihia mō te tīma.

1. He uaua te kōrero me te kore i pāpōuri.
2. I whakapāha au i te korenga ōku i tae ki te hui.
3. I tangi ia i te kore/korenga ōna i mōhio kua mate kē ia.
4. I te korenga ōu i konei, i tīmata mātou.